



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Missionis Anglicanæ Societatis Iesv

More, Henry

Avdomari, 1660

Duo ex nostris casu domus cum alijs oppressi. n. 7.

urn:nbn:de:hbz:466:1-38320

posse. Recolere saltem potes (inquit noster) & recitare quæ quotidie peccas: 1623.
 istud fac, reliqua committe Deo & mihi; si quid Deus tibi interim bonæ mē-
 tis iniecerit, nē contemne: Narranti quæ peccauerat tantus repente dolor ob-
 uēnit ut in lachrymas solueretur; neq; illi oratio in posterum neque ieiunium
 graue fuit: Cumque ab antiquo tempore fuissent illi cum Nouerca suisque ex
 illa fratribus veteres similitudines, ut nec in conspectum venire iustineret, & ob
 effervescentem exre leuissima iracundiam, caterosque effrænes animi mo-
 tus discordia plurima litesque contraxisset, his missis inimicitiam omnem de-
 posuit, pacem cunctis obstupentibus colit & concordiam; id quod si paupe-
 rum orphanorumque quos alebat causâ à Deo concessum quis dixerit, non
 malè (mea quidem sententiâ) fuerit ominatus. Huic igitur ad vitam ex
 ritu Christiano degendam apertus est aditus; alteri ad æternam. Vir in ea
 regione quæ ad Collegium Sancti *Xaverij* pertinet, honesto loco natus cum
 vxore & filia, multa à pleudo verbi-præcone & vicinis hæreticis ob fidem
 orthodoxam passus, iacebat infomnis, per noctis silentium secum reputans
 qua ratione acerbitatem persecutionis declinaret: Vxor à latere somnians,
 "Heus, inquit, bone vir, breui mihi ex hac vita migrandum est; hoc vnum
 rogo atque obtestor, ut post obitum meum filia curam geras, colloceque
 vbi piè, & Catholicè viuat; Tu bona tua fidei alicuius committe, ut fidem
 veram Religionemque facilius tuearis) obstupuit ad hæc vir; neque enim in
 somnis loquentem antea audierat. Manè rogat quid somnij habuisset; illa ea-
 dem recitat quæ somniarat." Et aliud, inquit, est quod à te vigilante nunc o-
 ratum velim, uti propediem iter ad vicinum Mæcenatem nostrum carpatum
 capturi de rebus nostris consilium.) Non longè aberant domo, quando fa-
 minam capitis & pectoris tantus dolor occupauit ut quod reliquum erat
 viæ difficulter superaret & ingrauelcente repete morbo delata ad cubile ea ipsa
 nocte animam Deo pie placideque reddiderit, gratias illi agens immensas de
 Prouidentia tam singulari quâ mori datum esset inter Catholicos, & vbi per
 Sacramenta subsidium animæ erat in promptu.

Somnium
salutare.

VII. Quinque etiam ex nostris vitam cum morte commuta-
 runt, & si maleuolorum spectes sermones, tristis fuit duorum exitus, si rem
 ipsam, gloriosus; quid enim Christiano militi magis gloriosum quam Chri-
 sti præcepta & laudes enarrantem occumbere? *Robertus Druræus* (dictus
Bedfordus) humaniorum literarum studijs Audomari absolutis, Romæ
 Philosophiam, in Polonia Theologiam audierat; Isthic etiam Rhetores
 & Philosophos exposuerat; Reuocatus in Belgium, in studiorum Præfectura
 Audomari, & concionandi munere, in Theologia etiam tradenda Loua-
 nij magnam sibi pepererat laudem, maiorem grauitate morum & con-
 stantiâ, tum etiam suauitate & prudentiâ singulari; quæ cum plurimum
 momenti viderentur habitura ad multarum salutem animarum, si in ea
 quâ tunc temporis gaudebat Anglia tranquillitate explicarentur, missus

Duo ex no-
stris casu
domus op-
preffi.

1623.

1624.

in Insulam non diu superfuit : Etenim dum Londini in celeberrima trecentorum circiter hominum concione , quæ in suprema domus contiguatione conuenerat , perorat , vitio cariosæ atque infirmæ trabis solutâ compagine , perruptoquæ mole ruentium tabularum & hominum altero ad imum vsque tabulato , lignorum rudèrumque & præcipuè corporum se comprimentium ruinâ oppressus , aut pulueris copia suffocatus extinguitur : Perierunt ex Auditoribus prope octoginta : In his noster etiam *Guilielmus VWhittinghamius* , vir ab infantia innocentissimæ vitæ , moribus placidissimis , & ab omni grauiore perturbatione alienis ; quibus non mediocri cum doctrina coniunctis multam frugem fecerat , præsertim cum Noui (vt vocant) Carceris angustijs pluribus annis teneretur *Ioanni Perceyo* locius : hoc anno currente numerauerat centum & quinquaginta sua opera ad fidem aggregatos ; præcipuè vero eius virtus in pueris pauperibus erudicendis elucebat , vt vulgò Sacerdos pauperum audiret : In area domus quæ concidit , & quæ eo tempore ad Oratorem Christianissimi Regis pertinebat , apertâ sepulturâ plerique sunt conditi consuetâ Catholicis ceremoniâ . Ereptos è ruina hæretici non maledictis modò sed & luto & lapide per plateas excipiebant humanitatis obliti , augurabanturquæ , cladem hanc damnantis fidem nostram Dei indicium esse manifestum : solabantur se interim Catholici certâ spe salutis felicitatisque defunctorum , quorum plerosque constabat eo ipso die sacrâ exhomologesi expiatos , resectosquæ fuisse Sacratissimâ Eucharistiâ ; Et dolori leuando accessit trium Catholici Regis Oratorum pietas qui erecto cænotaphio , & concione funebri , & largæ elemosynâ parentatunt ; valuit denique ad abstergendas lachrymas atque aduersantium diluendas calumnias eruditus à *Ioanne Floyd* editus libellus (quem *verbum consolationis* inscripsit) ostendens casus huiusmodi non iræ semper aut vindictæ , sed gratiæ frequenter & fauoris esse indicia ; Prælagire tamen deinde apud complures vitus est iste futuras calamitates , atque spei illius ruinam quam ex Matrimonio Caroli Principis cum filia Hispaniæ hauserant Catholici : Etenim posteaquam de his nuptijs agi desitum est erupit tempestas eo acerbior quò fuerat alter annus intermissa persecutione iucundior ; iussiquæ sunt Iudices veteres omnes leges , præterquam quibus capitis pæna sancitur , seuerè exigere : Ad Comitia etiam vocati regni Ordines nihil potius habuere quam vt nouas ferrent , ac regiam præterea potestatem cohiberent ne pro arbitrio indulgeret . Indictum quoque est ad certum diem exilium Sacerdotibus omnibus sub pæna capitis : Hinc magna vbique consternatio ; in qua etsi non defuerint qui fortunas libertatemque suam habuerint Christi fide ac Religione cariores , multo tamen plures fuere quorum constantiam nulla possessionum direptio , nullus carcerum metus potuit infringere : Vigilandum itaque in omnem partem fuit , seduloquæ laborandum : Et quoniam experientia compertum est neminem euadere constantiorem quam qui maiores faceret in pietate progressus , orationis & Sacramentorum

fre-

Renouata
in Anglia
persecutio